

即墨詩乘

跋 卷十一 卷十二



卽墨詩乘

卷十一

黃立世

字卓峯號柱山貞麟孫乾隆甲戌會副官潮陽

縣知縣有四中閣詩集

李綱齋文起傳吾師黃公性慈祥律躬嚴事兄

文甫孝廉最謹令保昌貢物經梅關憲差官僕恒以私橐濫役數千夫公革之署花縣修水利

大稔潮陽與普寧分割丁賦一案歷三十七年二十餘官不決滋生之獄數百公攝篆三月丈

清豪儒安帖積贖悉平以黜鬻臬司解組不能具資斧邑紳陳以千金贖卒卻之歸益貧友教

四方以詩文詞曲行草書自娛落筆如風雨著有桐華軒文集四中閣詩餘柱山詩話詹詹錄

散花傳奇沈椒園廷芳序黃生磊落雋偉思致迅舉不可追攝戴可亭均元序國朝詩

卽墨詩乘

卷十一

一

人莫大於山左今又得先生集
泱泱大風掩迹趙田比肩王宋

大廟峽

挂席指大廟古峽擅奇絕中流踞亂石高低枕層鐵翠

律山色變鞞鞞水聲咽鬼斧斫流雲練光忽焉裂水花

皆倒飛化為萬川雪廟中何所見靈旗儵飄瞥我欲登

其巔洵濤詎能越船頭一長嘯飄然走明月

二兄文甫先生旋里

去秋與君來今秋送君去去去不敢畱高堂夢已屢薄

宦來天涯誰為省朝暮家貧仗老母日日煎百慮君歸

慈顏喜我懷勿輕訴南海連北海魂夢不可渡客心無



所薄遠挂江天樹

夢先慈揮淚書此

人生無賢愚誰甘終碌碌有子期顯揚文壇事逐鹿苟
有虧人理昂然徒食粟嗟我恨終天羞坤載乾覆老母
入我夢客中問寒燠執手相雨泣片時溼牀蓐憶我生
之初一日幾顧復飲食兼教誨心力盡撫育之無示少
小稍長就外塾寒冬飛雪霜父書幾回讀呈黨走相賀
此兒或驥足母年垂七十積聲動經宿織麻飾我身典
衣果我腹時謂兒異日念母貧已酷後捧毛公檄喜甚
反眉願入官父不見母心似輪轂家世本寒薄於今荷

卽墨詩乘

卷十一

二

天祿百里報稱難勿貽九原辱再拜將遠行寸心轉刺
促隔年去東粵教我作民牧南天異風土供養水與菽
課督如疇昔隨時稽公牘何圖古滇昌衝劇雜水陸無
米強作炊虎蹊當委肉母老心孔悲歸帆命購艤送別
梅關上老淚閣雙目離亭無一言但以酒相屬意謂官
如此昊天憑禍福酒罷卽分手憂心如轉轆孰知是死
別泣血積萬斛何況兩阿兄雙悲賈生鵬母歸家益貧
晨昏慘心曲生者不可見死者墳草綠家累將干指朝
餐夕無粥萬里寄書來大厦仗一木聞言再三歎淚下
漬尺幅艱苦復誰論惟慮風中燭坐此竟見背捐軀亦

奚贖捨地更呼天何由催荼毒病由不相聞舍殮借戚
族母死兒不知有兒亦孤獨爾時已罷官絆牽尙如束
百孔與千瘡水火日相逐顛險死爲鄰泉下吞聲哭回
首憶慈訓千言耳中熟犬馬無以別恨不從地軸已去
韓江濱還畱粵山麓到眼忽春草挂帆自秋菊風雪滯
歸人長途感童僕昨夜北信來西風破茅屋慘淡窗前
花蕭條砌邊竹書舍半瓦礫松聲尙謾謾落拓同哀雁
漂流類孤鶩兒女爭夜啼禦冬少旨蓄行年未四十鬢
毛半如玉幾曾見雄飛何如效雌伏鄉路日以近中懷
轉抑鬱痛哭向北邙腸斷那能續應痛兒歸遲應念兒
卽墨詩乘

卷十一

三

歸速三復蓼莪詩有子莫勤鞠

雜詩

遐哉陶靖節結夢在羲皇東籬亦何爲而日醉其旁銀
河本一葦牛女空徬徨遇合良有時勿爲心悲傷

畱別

客行如秋風客懷如秋草秋草逐愁生秋風幾時了鴻
雁西北來相與就遠道遠道不可致空江自浩浩
遠山足遐思遠水足清聽游人不萬里意氣何由縱同
心四五人爲我開春甕相看各衰老勿作天南夢

七十二河

河水如行人萬古流不休行人行自苦河水何所求有
客慣征塵白髮風颼颼就深復就淺紆回心夷猶何似
林中鳥還愧水上鷗蕭蕭班馬鳴落日千山秋

學古

下馬過酒肆中有邯鄲倡殷勤勸我酒更漏爲之長今
日如膠漆明日如參商

君子娶我時謂我顏色好顏色猶少年棄置如秋草秋
草無復言春華須自保

蘭華日有香菊華日有黃采之欲遺誰所思在遠方遠
方不可見不如委路旁

卽墨詩乘

卷十一

四

自遣

種豆山之岡種菜水之湄種菜不成把種豆落爲糞種
固非我有不種當何爲長笑問天客天道誰知之

村中閒述

柳色荷春風草色荷春雨春來幾何時吹徧城南路春
來亦可喜春來亦可懼緬懷古達人彈指皆老去人生
苦飢寒無以慰朝暮夕陽趣牧兒叱牛過林樹

題高南阜桐村聽泉圖

結屋在巖谷桐村覆桐樹乘興聽鳴泉一夜桐村雨牧
童騎老牛薄暮尋歸路歸路不可尋千山墮烟霧

西北有高樓

西北有高樓遙見城南隅城南有芳塘掩映美人居塘
上有楊柳塘下有芙蓉蕖芙蓉卽美人美人獨踟躕

禱雨

旱魃爲虐山如焚青天萬里無片雲天心由來稱仁愛
雨澤胡爲今不再可笑愚民愚且頑皆言求雨先求官
戒壇鐘鼓徹曉夜萬人碎首戒壇下傳言速爲烹羊猪
明日求雨無屠沽

嶺下作

庾嶺插天更拔地鑿碎流雲落鳥臂一關盤踞高入雲

卽墨詩乘

卷十一

五

爭怪行人破空墜縣官三載慣風塵章水滇水來往頻
前身疑是老梅樹送盡東西南北人

舟小甚戲題長句兼柬栩東兄

海寧行舟輕如葉扶搖欲同鳥爭捷海寧行舟長如人
潮來生恐江魚吞三年到處皆刺促有如蘷屈更蠅縮
阿兄笑我苦嗜睡於今浹旬睡未足洵洵揚子江連天
悵望二勞空雲烟人閒萬事無不可江濤海浪日揚簸
忙不與君同醉歸今夕明月杯中墮

楊白花

楊白花太輕狂東風吹落古路旁路旁搖蕩正青春山

高水遠望美人望美人春已暮楊白花淚如雨

打麥行

老農作苦東山麓蓑笠攜將露天宿自從去秋到今春
汗血如流剩枯骨天公愛我豐歲年大麥小麥收數斛
妻兒相視各一笑幸不朝昏委溝瀆何來胥吏攫之去
誰知盡果他人腹老農頓足仰天哭依舊全家食無粥
呼兒城中更典衣慎勿賣吾扳角犢

古意

作人作女無作男男多鬚眉令人慙作女作姊無作妹
阿姊已嫁阿妹未鱗魚乃有骨海棠苦無香古來賢媛
卽墨詩乘

卷十一

六

稱孟光操作一生甘糟糠

與陳風人

兄風人弟雨人濟南雅客無與倫風人善書雨人畫弟
兄往往爭入神前年見風人匆匆卽言別去年見雨人
對牀兩彌月人生蹤跡那可求有如明湖之水東西流
天風吹送湖山陬座中有酒雜歌謳風人興發那能收
飢鶴一唳天爲秋一歌未及終忽然戒行李湖上西風
昨夜起風人雨人不可止余亦將從此逝矣直教明湖
烟月一時冷落死

敝裘歌

爾裘隨我三十年風鬢雪虐相周旋獵獵冰天走千里
北來騎馬南乘船范叔何爲寒至此百結鶉衣不知恥
日高儼列玉山筵夜深還當姜肱被春盡解裘裘更愁
衣裳在筭非爾儔典錢爲買五升米飢寒一一爾爲謀
年深毛脫漸成鬻貧是病非詎難著雪夜儘堪伴我讀
墨浣塵痕忍彈卻爾不見嚴子陵羊裘垂釣江水清又
不見蘇季子黑貂敝盡風塵裏海上年來寒復寒青衫
司馬單復單人生快意豈有極要在內美無外觀況我
傳家本儒素如珠如桂皆艱難憐新棄故古所戒夫復
詩筆良悲酸

卽墨詩乘

卷十一

七

鄭板橋

板橋字最奇板橋詩尤雅要知板橋何如人卽與其詩
其字競瀟灑來兮齊郊去兮江皋思之不見心忉忉吁
嗟兮板橋

郭根蒼

根蒼少爲公子老爲良吏而能折節讀書爲名士吟詩
千篇作字千紙人生快意無過此北海北兮南山南若
有人兮停雲驂思之不見非所堪吁嗟兮根蒼

述舊詩

一門五烈

山城夜哭頭白烏風饕雪虐連郊墟烽火蕭蕭斷人跡
千村萬落森旌旗先公侍御膽氣麤守護日徧城四隅
亦知力盡難枝梧聊爲生命延斯須黃昏笳角聲嗚嗚
愁雲四起天模糊仲君矢志酬昆吾怒馬獨出臨街衢
願語吾父無踟躕馬革裹屍真良圖妻妾數人牽衣裾
相率一日登冥途夫爲國死妻爲夫含笑拜別翁與姑
我公當此心嗟呼眼中不淚但捋鬚老臣日夜關廟謨
吾兒良不羞讀書吾兒雖抱此區區大厦傾矣誰能扶
於今流寇何紛如兒爲厲鬼當前驅

乞師行

卽墨詩乘

卷十一

八

明季蒼生無環堵人如犬羊賊如虎萑苻大半起肘腋
礮聲如雷箭如雨先公侍御勤周防日坐城頭獨搗鼓
守陴皆哭不能支魚肉何堪委刀俎先生負才兼文武
慷慨無難以身許乞師今日便請行二十三人爲一旅
賊柵聯緜數百里誰似先生獨容與姑尤流民羅馬前
揮刀殺賊賊如鼠倉皇誰爲掃欃槍喜得

王師靖

邊土聞言爲將鐵騎來勞海人家盡寧宇當事爭欲薦

朝宁何意先生色爲沮堂上慈親當暮年菽水無心

易簪組嗚呼先生空今古峩峩豐功重千櫓南八男兒

何足數

范淑微德顯解圍記揚晉生遇古卽墨諸生甲申盜賊蜂起無復可通青濟之道及土賊數萬聚城下侍御黃鶴嶺主守事兩閱月外鮮聲援晉生選徐源深盧開之等二十三人夜出至古峴鎮有劉生被賊妻孥失馳數里奪還之有子生以賊北掠告且曰二十九人爲疑君爲飛將軍而退抵萊始知大清定鼎因告急院道徵兵於柯鎮兵至賊潰威德晉生再造云

義當死

君殉國臣當死臣之不死母在耳母在而死死不孝倉皇哭入

文宣廟義當死時終須死踐土食毛敢不

報正氣歌臣未忘母死卽死無徬徨不死恐負文天祥

王先生好

讀正氣歌

卷十一

九

陳皇士濟生黃侍御傳明生中表昆弟王曦如爲學究程朱之指國變母死卽自縊徐章仲炯文貞子遺書序曦如卽墨人文貞其諡也言復性有四法曰養靜窮經謹幾求恒所撰有事親畧儀我師篇甲申備言訓子讀小學說

柳溪碎語

我能耕田何有我能讀書在手有書可讀堪白首笑語山妻解此否君無負柳溪柳

雨後登慈慧閣眺望黃河歌

兩戒平分河居中星宿海與天相通衡行斜帶慈慧閣

噴薄積石穿虛空白躋出繪月離畢愁雲慘淡吹蝦虹

不周之山誰敢觸霹靂一聲摧千峯魚龍夜戰古城上

洪濤倒起搖花宮翻盆怒勢忽暫止夕陽林麓開青紅

天道由來卽人事世途險夷安能窮坐觀既久三歎息
人生胡爲類轉蓬况我行年垂六十處處泥雪畱飛鴻
笑語馮夷渾不解客向西來河則東

九獅圖歌

古今人物畫手誰最强雪峯道人真難當雪峯畫人兼
畫物曾畫一獅森風霜毛公不可見畫筆媿長康貽來
九獅圖意氣尤昂藏吾不知狡狴白澤生何似想亦如
此雙瞳光吁嗟噫嘻兮豈不與雪峯之獅相低昂其餘
或疑螽之羽麟之趾也如人家子弟濟濟一堂吁嗟噫
嘻兮吾又不知雪峯道人何以匹馬短衣去天外不來
卽墨詩乘

卷十一

十

觀此心旁皇柱山神魂奪滿壁爭飛揚急擬綴以詩下
筆不成章是誰趣我題數行蘭山高士春崖梁

龍頭汎阻風

涼風來萬里吹送雨瀟瀟林樾驚飄忽山根欲動搖蘆
筇斷秋戍尊酒怯長宵客跡年來慣江潮與海潮

題縣齋

三年爲俗吏治譜竟何如俸外無炊米官閒得讀書月
中羞御鶴堂上足懸魚梅嶺高千尺紛紛過客車

畱別送行諸子

越鄉無近遠客緒總難禁况值年將暮飛來雪正深青

山今日夢白社昔時心東郡多名勝相將次第尋

瓜洲見月

推篷見夜月偏向客邊明萬象浮空澗長江但浪聲
清
來一尊酒夢醒幾回傾指點三山近塵懷與共清

平望湖

吳越分流處高帆落半湖山風吹月小秋水到天無
雲
斷并州雁尊開震澤鱸夜來鐘到耳不敢夢姑蘇

項王廟

野鬼千年火風林半夜潮雲連沙漠漢馬度草蕭蕭
楚
漢人誰在英雄氣尙驕懷王或相見怨憤可曾消

卽墨詩乘

卷十一

十一

井陘道中

頓覺鳥飛低層雲古道齊關門控燕趙山勢割東西
老
去悲雞肋年來信馬蹄可堪深澗裏芳草亦含悽

晚過南天門

層嵐攀附上驛路出雲根風雨昏龍塞山川走雁門
歸
鴻天外盡宿鳥樹頭翻旅夢何時穩村燈驛客魂

夢如玖如瑀請益賦此寄示

汝父曾何益教兒復讀書敢言期遠大聊以當耕鋤
風
雨孤燈裏篋裘累世餘秋窗誰問字欸欸話歸與

舟中雨

便不聞蕭瑟已驚羈客心江聲孤榻動雨色半燈深道
路艱童僕風霜日滯淫勞山今夜月曾否下遙岑

邵伯

一棹入鳴灘推篷夜月闌忽憐鄉夢失真覺到家難雨
暗螢頻過燈明水更寒秋風太相妒不恤客衣單

清明東厓小集

客愁渾不覺今日又清明出郭看楊柳開尊幾弟兄紙
鷲喧稚子老樹語流鶯春色濃於酒風光送此生

濟南晤茅聲伯昆季

久負湖山約相逢春正寒莫言都老瘦且喜各平安清
卽墨詩乘

卷十一

十一

興君無減名心我欲闌別離三五載尊酒說悲歡

雨後夜起

可園初過雨霽景一時新斜月高於屋修篁立似人天
清真不暑地靜更無塵客夢歸何處迢迢東海濱

所思

明月不盈把遙天流素輝開門一長望清露溼人衣坐
久花香過宵深鶴語稀所思在何許魂夢亦相違

聞如琚歸

已得歸來信翻教歎別離長貧自吾分多病倩誰醫雨
雪驚千里關河閱幾時此中悲更喜卽日北溪湄

過永濟令胡甥瑀署

都督同知有亮孫雲南同知盡節木邦那祐子

濺頸當年血囊琴此日春期能稱衆母乃不愧先人兩世忠貞在千秋雨露新木邦還念爾何以報 君親

抵蘭州

辛苦到蘭州衰年病未休關山罷行腳勞海怯回頭落日黃河急炎天碧樹秋連宵不成寐鐘梵近僧樓

喜楊甥中準至自張掖

未語淚先流今朝慰白頭隻身六七載烽火兩經秋余亦不自惜相將作遠遊繩牀支病骨待爾一爲謀

汝有歸心否余心日在東無端成野馬豈不愧雲鴻兄

卽墨詩乘

卷十一

十三

弟拋天外妻孥寄夢中何須攬明鏡鬚鬢亦衰翁

秋日病中

莫慰妻兒望關山此日難無從得消息只是說平安課
讀窗飄雪敲砧木落寒來年尙歸去仍作一人看

繩牀渾不寐誰與問前因夜靜生奇鬼燈寒似病人詩
書自辛苦席帽困風塵對此茫茫裏愁端日又新

岳忠武王墓

痛飲黃龍事已空何須鳥盡始藏弓孤臣頻下中原淚
聖主愁成大將功絕域魂歸三殿上春江鬼哭六橋東
陰森尙有門前柏不把南枝向北風

樟樹鎮訪王文成公誓師處

古廟陰森野鳥呼當年新建握兵符一時洛蜀歸吾黨
千古孫吳屬大儒露布已將成遠畧天戈底事累宸謨
朝廷奕奕麒麟閣也許書生到畫圖

寄懷周容齋太守

鳳城酌酒夜光寒酒後重嗟道路難千古高風推北海
十年浪迹托南冠風飄落葉隨遷客雪壓征篷別上官
爲問鴻飛幾時到君山湘水總漫漫

江上大風

癸未言歸到甲申幾回風雪滯江濱如何夏月來南國

卽墨詩乘

卷十一

十四

猶有寒濤待北人酒盡難教魂夢穩夜涼空賦授衣頻
來朝雨鼓鴛湖舵羨煞輕鷗下白蘋

東鹿道中

常山無際朔雲平尚有炊烟斷續生百里人家皆住水
一隄楊柳不遮城督船時向叢蘆泊蛙鼓還多向晚聲
東望不堪搔白首二勞曾否慶西成

乙未初度

荏苒流光便五旬知非不復識前因稱觴婦笑無沽酒
破帽兒羞出拜人萬里關河頻入夢百年詩酒不妨貧
平生搖落如衰草風雪聲寒向小春

招楊西溟入城

柴門寂寂斷炊烟底事元亭不世緣繞屋青松孤榻冷
滿山黃葉一人眠論文莫負燈前約貰酒誰將杖上錢
記否西園同麈尾茶花新向雪中妍

四中閣雜著楊西溟中江方正仁厚非
三代以後人以善讀書目之猶皮相也

村中古剎

滿院松陰坐杳冥禪門無事任長局荒臺草沒人稀到
古殿塵封佛不靈寒雨飛來新漲碧春雲開處遠山青
老僧貧病誰知者赤腳蓬頭日誦經

黃陂魏鳴九先嚴所治民也年六十餘矣東來視

卽墨詩乘

卷十一

五

余詩以送之

楚山楚水路漫漫問訊東來淚不乾當日聲容付風木
祇今父老愛衣冠春衫料峭添新病門祚蕭條似舊寒
莫道使君真有後北溪長把釣魚竿

北溪春興

欹枕風軒午夢長芸窗綠滿徑全荒疎桐葉大剛聞雨
古柏陰多欲過牆閉戶人誰輕剝啄愛閒藥亦號清涼
莫言嬾惰新成病幾向東崖索酒嘗

晤聲伯昆季卽別

直把平陵作故鄉相逢卻恨是離觴北歸沙塞鴻千里

西望玉門天一方秋柳春烟人盡老水萍風絮路初長
歧亭兄弟無多囑祇恐天涯鬢更蒼

登蒲州城樓

雉堞高標未可攀憑臨客向夕陽閒黃河水遶三十縣
華嶽雲開百二關懷古何須生感慨扶筇頓地怯孱顏
玉溪溪上中條雨爲問高人何處山

登五泉山

芒鞋竹杖倚嵯峨莽蕩西陲入望多玉塞千山歸紫極
白雲萬里破黃河屯田此日思充國轉戰當年仗伏波
故壘蕭蕭堆落木永無回鶻敢橫戈

卽墨詩乘

卷十一

六

胥江

韶音不可聞韶石曲江曲江上翠華亭晚烟堆浮綠

望遠曲

上馬郎出門下馬郎還家勸郎休上馬上馬卽天涯

清明日入江南

春風春雨溼烟嵐好是清明淨蔚藍客緒也如堤上柳
亂吹飛絮過江南

紅橋懷漁洋先生

誰將花事到江城鎮日山邊荷鐮行一曲銀塘千折柳

東風吹過幾清明

清江浦卽事

一帶清江灣復灣輕雲展盡畫圖閒只因夢落春潮裏
耽閣江南無數山

兩宿馬生村

落拓西來問客程秋深又與雁南征平沙夜雨渾無路
微聽溪邊犬吠聲

秋日得門人方廣文殿揚粵東書卽答

盤中苜蓿綠斑斑新味遙分渤海閒忽憶西河問李白
秋風秋雨太行山

李文起庚辰進士知汾陽與殿揚皆爲余己卯同考所得士

春雲

卽墨詩乘

卷十一

七

幾曾觸石雨塵寰冉冉長空暮景閒聞道白雲歸意切
不知何處有青山

論詩絕句

孔雀東南何處飛焦卿有淚欲沾衣木蘭哀怨同千古
白草黃沙帶甲歸

衣冠萬國向彤墀摩詰才華冠一時卻怪髯翁心折處
詩中有畫畫中詩

孫洪彥

字席珍武生有河西草

柳溪步月

一曲清溪經雨天
依依岸柳結濃烟
卻嫌皓月明千里
無故教人夜不眠

黃如琯

字西玉大中孫
歲貢生官招遠縣訓導

失題

一局棋枰草草收
不堪重遇舊青樓
新荷贏得新紅色
相見也應笑白頭

黃玉書

字鄰素號芥亭
體中孫增貢生有一水山房詩

集張鶴巖士倫傳先生嗜讀書不問戶外事
詩若文具秋氣尤精於韻學著錄盈篋

卽墨詩乘

卷十一

六

別葛溪璜廣文

貽我以白雲贈君以紫霞
同餐共怡悅肝膈疑清華
君本洪崖客僕亦浮邱家
取攜各自足安用棗如瓜
君今遊海上東風泛仙槎
倘於度索山頭過攜歸一
兩枝桃花

雲臥山人歌

法蘭墅得白石一肖人作
欹側狀雙睛如點漆

其季南墅題其室曰雲臥
蘭墅索詩答之

山人山人的何名影鍊白
石動神精頰上毫髮栩栩
欲生雙眸豁開秋水明岱
宗丈人氣崢嶸天門曉日
雨乍晴

勞山老人神復清海月一片光盈盈山人山人的何名
千里百里勢相迎逢君點額眼特青共成四兄弟與兄
圯橋空聞碧流聲白衣徒酌黃花觥何如君家雲臥亭
主賓相對兩有情山人山人的何名我亦聞之意轉傾
於今雙珠大雪零高士一枕夢初醒

秋芙蓉次家西玉兄韻

故園畱得幾枝紅不盡秋光滿眼中寶劍霜寒芒欲吐
華峯日曉色如烘妝成薄暈非關酒著盡輕裳不耐風
破涕還來強一笑世閒無處問窮通

黃如珂

卽墨詩乘

卷十一

十九

字初斯立世姪諸生有柿葉書屋詩稿

周曼亭
雋傳初

斯不羈才以病廢卽墨令葉棲
鳳聘閱縣試牘人服其無私

古意

秋夢苦不畱秋夢苦不去畱亦無所歸去又在何處夜
夜聞蟲語

渡河述懷

一年歷盡天涯路萬里河山入壯遊疲馬寒歸關外雪
孤舟輕泛嶺南秋身無常住僧行腳浪得虛名豕白頭
散盡黃金羞作客紅塵飛上敝貂裘

岳忠武王墓

古樹陰森冷風起忠魂墜沒西湖水一杯黃土泣王封
簌簌墳前落松子

雪中子青弟餽炭賦謝

楊花飛雪四圍風日夕號寒老病中欷枕忽教安穩睡
一爐松火夜通紅

黃如鈞

字平一號廬阜宗臣五世孫歲貢生有廬阜詩

稿

沈芸守鳳翥跋氣格清越如雁月柳風

舟次

一派蒼茫路遽分南北天征塵辭故國客夢倚江船風
卽墨詩乘

卷十一

三

急灘聲壯浪高雨勢連舟人無賴甚鼓楫自陶然

夢回

窗月簷風客夢驚天涯故國兩難平枕邊已失還家路
空外猶聞搗帛聲壁立雪霜人慘淡門攀楊柳淚縱橫
誰堪歷歷成追憶臥聽寒雞下五更

題胡芑堂陟岡圖

鶴原烟樹總茫茫畫裏從君望遠方我亦有兄長作客
知他何處陟高岡

采石磯

謫仙樓外千章樹采石江頭半夜潮停櫂不知岸南北

西風蘆葉雨蕭蕭

黃玉瑚

字東序體中孫乾隆辛卯舉人官溧陽縣知縣
有白石山房詩存

西閣秋眺

西閣閒登眺憑欄遠意生炊烟寒晚市秋色上孤城鴉
點斜陽樹鐘飄隔岸聲低徊情不極天際暮雲平

山家

迥與塵囂別柴門不閉關鳩鳴烟際樹牛下夕陽山野
老無賓主閒雲自往還瓦盆盛濁酒隨意醉酡顏

卽墨詩乘

卷十一

三

偶憶

南浦望春意渺然閒情棖觸記江天桃花細雨蘭陵酒
燕剪輕風鴨嘴船犀押湘簾聞短笛鐘鳴蕭寺隔寒烟
何時更踐蘇臺約四十紅橋詠彩箋

題綬兒畫

水樓拄頰看山色樹杪飛泉百丈懸記得善卷陽羨路
落霞波外影連天

黃如淦

字豫溪芳世子歲貢生

書院雜興

到來春始半一住便秋清日月雙流轉風塵幾送迎晴
窗試筆硯雨夜說生平聊借閒花趣悠然寄我情

黃如璨

字硯思立世姪諸生

出灘

作客成何事遠來自海東貢章三楚盡烟霧百蠻通山
色斜陽外灘聲細雨中故鄉何處是逐日倚征篷

黃如玠

字分玉號德斯如璨弟諸生

寄懷諸昆弟

卽墨詩乘

卷十一

三

秋葉亂梧桐寒雲斷塞鴻浮踪千里外結想五更中衣
履皆寥落文章入困窮幽懷不能遣何日話溪東

黃玉衡

字音素玉書弟拔貢生有二水山房詩集

李虛谷鈔

傳公承胞叔嗣應得田產與姪輩共
以病棄舉子業善醫常製藥以活人

言懷

少陵昔有言文章一小技小技猶難精大道何處是造
物欺我弱艱難折生死驅車歷窮途涕零西風裏命乖
性彌貞終古守圖史挑燈發長歌冷雨打窗紙

秋郊

躡屐隨秋色晴暉淡遠郊林皋下風葉麥隴起霜苗野
馬長河畔寒鴉灌木梢小橋通一徑曲折入雲坳

懷桂姪

寂寞誰如我空階草欲平多愁忘酒債久病識人情昨
夜聞鴻雁今宵對月明山窗分袂後何處讀書聲

春日讌九里江端峰家

促膝長吟不閉關羣峰坐對翠微閒青尊慰藉三春夢
芳草勾留半日閒薄暮林邊牛下括斜陽竹裏鳥飛還
一番憾事君知否未覓金蟾到鶴山

余自丁酉廢吟咏十三年同人以詩來質不覺技

卽墨詩乘

卷十一

三

癢口占一律如初學語者

毫錐踏碎已灰心又作閒情長短吟味去猶如新熟酒
聽來一似久生琴春山淡冶曾相識秋水蒼茫不可尋
勝境還從空際想登臨觸處有清音

訪郭純甫

人在梅花屋朗吟秋谷詩褰簾悄然入話到雪深時

黃 榛

字碩軒大中曾孫乾隆庚午舉人有漪園集

西園

名園梯磴入松竹映沙堤走石龍筋瘦翻雲鳳尾齊蒼

茫茫人獨立慘淡日平西回路經南望桃花落滿蹊

野望

客居頗少事步履出林垆沙湧無邊白山浮不盡青谷
鶯憐解語澗草送餘馨倘得茅茨穩應來斲茯苓

立秋後題

閏年秋氣早六月已聞蛩何處無衣客心驚夜雨中年
華悲逝水生事感飛鴻無限窮途淚相憐有阮公

酌酒限尖字

秋晚暑猶虐乘涼倚短簷酒闌腸吐角韻窄筆摧尖菰
白宜調醋蟹黃小蘸鹽陶然耳熱後風峭入疎簾

卽墨詩乘

卷十一

三

春日小睡

二月江春春可憐小軒散髮臥江天從容風月無多日
判斷鶯花又一年欲傍槐根尋蟻陣聊攤柳葉學蠶眠
豈關春色撩人急應是故山魂夢牽

偶題

水碧沙明古甬東春光淡沲興無窮鳥鳴雜樹閒花裏
人坐薰風碧靄中看破浮名等蕉鹿掃空鄉思付雲鴻
詩人自是多愁疾天道何曾曲似弓

黃植

字靜軒號復齋榛弟

恩貢生有水湄草堂

詩稿

黃東序玉珮傳靜軒修內行潛心理學十

陸不專尊德性若論學術當於德性真偽上辨
取庚寅定元以後場誤貼而罷無幾微見面論
屬續日異香滿室著有周易講義學庸記疑論
語會說孟子析義日知錄
張嘯厲鈴跋有德

之言不
事雕鏤

雷別諸生

在天有征鴻在地有飛絮爾輩負笈歸余亦自茲去去
去隨白雲還入深山住不惜雲行勞所嗟未成雨

齋居

卜居城市中不聞城市音竟日常掩關如坐萬山深蟠
泥已成性出谷更無心豈知曲江上滿座正華簪

卽墨詩乘

卷十一

五

楊中丞

字大庚號華圃玠孫乾隆甲午舉人

失題

無端四載遼東客駒隙光陰過眼前歸鳥獨慚寒食雨
離人難別豔陽天道苟苦李憑誰訴爨下勞薪祇自憐
此去還家能幾日匆匆又上洞庭船

郭 昉

字麗南又字里柘琇孫例貢生歷官蘭州府知

府劉錫丹署邑侯郭公德政碑公劄苞苴

問疾苦徭役出示督催不簽差上游經過民
十公慨然除之

聞雁

爲惜衡陽雁長風吹未休哀音銜露冷高影度邊愁已
斷金閨夢難忘玉塞秋應憐別離者空對月華流

楊中準

字叔平號鈞石士鱗子諸生

題舅氏柱山先生校書圖

數載不歸去先生亦隴隈頻來共晨夕乃與病遲回石
竹秋光落雲天旅抱開藥爐兼茗椀還待校書才

解 恕

字初芳號遷亭諸生有半村詩草

杜怡亭延閣
傅先生性孝

卽墨詩乘

卷十一

十一

友拾遺求還其人嘗曰寒
峻有何長惟取舍不苟耳

歸自萊州途中口占

迢遞東南路擔簦落寞閒無錢偏索酒失意卻尋山雲
樹生羈思風塵瘦客顏浮名成底事好是一身閒

范中蘊

字函文號寄菴一號又雲歲貢生有三分詩草

黃音素玉衡贈詩自許文章
參太伯每將書法敵平原

送邑侯歐陽約齋引疾歸彭澤

環海鄰封七官稱卽墨賢如何暫臥閣竟爾決歸田春
露思方永秋風感獨先抗懷彭澤宰重續去來篇

近有南來信懸知道路難權謀三月住又得隔年歡野
老爭依署村童亦識官壺漿與菜把莫作等閒看

杜延閭

字騫若號怡亭副貢生官館陶縣教諭

路漢章天錦傳

先生性純篤親歿事叔如父叔病物色棺木數
十里外雪甚溝悉平以身橫雪上輾轉十數然
後度讀書多心得至館陶每課士口講指畫
兼備饗殮不為贏餘計著有史畧姓畧譚畧

倉頡墓

天開字畫接羲皇從此六書啟渾茫文教於今光

聖世一邱宛在水中央

江炳

卽墨詩乘

卷十一

三

字明庶歲貢生

荔枝

嘉種宜南國靈根植海隅紫綃攢翠蒂紅錦裹冰膚漿
沁華池冷瓢吞渴肺蘓高情思白傳持贈繪爲圖

江淑桀

字慎斯號抑堂毓圻子乾隆丁未進士歷官易

州知州

江氏家傳公性英特顧嗜學讀書深山
中寢食俱廢知平鄉邯鄲務便民盜賊

滅跡刺易州權順德天津守革
陋規屬吏畏服著有楚遊記

過邯鄲戲成

學步橋邊別有天紅桃綠柳劇堪憐誰知慣逐黃梁夢

早背銀燈枕手眠

周樹芸

族叔祖字石原號文叔廩貢生有石原詩草

張船

山問陶傳先生性聰穎博極羣書為人沈靜淡雅不汲汲於名利友教四方士之脫穎其門者眾甚

題寓齋宴坐圖

例外窮愁劫外身餘生天遣托風塵蠻江憔悴吟山鬼
燕市悲歌狎酒人葛屨寒霜千里夢梅花細雨廿年春
小窗燈火飯心處賸把枯禪當夙因

和丁霖浦觀察似山居作

卽墨詩乘

卷十一

天

人間何地不蓬萊五朶蓮從一瓣開石榻橫琴明月上
松窗拄笏白雲來樹原似畫無成格山亦如詩有別才
最愛使君池上鶴朝朝飛去復飛回

漫題

筆墨無功劍術疎蕭然萍跡落江湖十年滅盡懷中刺
身是高陽舊酒徒

百歲流光野馬塵好尋邱壑寄閒身古來多少遊仙侶

名士英雄與美人

周保光

族伯字月峰拔貢生官長清縣教諭

遊九水

三山滄海東中有不死藥秦皇驅石去此地餘谿壑峭壁翼兩岸慘淡秋日削一水當中來屈曲爭噴薄石色何皎潔石勢何磊落跼步探幽危稜稜逼劍鏢紅葉絢赤城錦厓燦霞閣澄潭深見底投石鬱礪礪頃刻物象分咫尺烟光錯道遠不可窮側身望寥廓

周保赤

族伯字丹崑歲貢生

晚渡淄河卽事

策馬赴前村空山落日吞斷崖迴白浪野渡競黃昏宿卽墨詩乘

卷十一

无

鳥爭棲樹人家半掩門蕭然投逆旅聊爾一開樽

于江元

字巨川太學生

欽賜檢討加銜國子監司

業

盛暑偶咏

羊裘六月傲公侯不作離騷效楚遊高臥清齋人太古推窗閒看碧雲流

黃清世

字僑如號東里墀曾孫諸生

寄懷周磯雨

兩風依舊上寒衣猶憶壯遊逸興飛顧曲當年得名早
愛蓮今日似君稀自傷白髮驚消長閒對黃花識是非
屈指三秋今已度可能相賞不相違

鄭鳳朝

字于陽歲貢生

寄懷黃東里

東望咫尺見瀛洲大海蒼茫日夜流嬾爲蟲魚箋爾雅
聊憑草木記春秋吟題雪洞極深處醉臥雲峯最上頭
惟我與君知逕路何妨日日拍肩遊

焦和生

卽墨詩乘

卷十一

三

字琴齋號春塘占籍奉天府蓋平縣乾隆甲辰

進士歷官湖北漢黃德道有連雲書屋存稿錢

西清履跋平黎諸作歷敘勦撫
公勤匪懈肫摯之氣溢於言表

宿南星鎮

霜隕裊斜木葉零今宵使節駐南星四圍山勢環屏障
萬壑溪泉動驛亭鸚鵡言中鄉信隔畫眉聲裏旅魂醒
詰朝沽酒南岐路無復來時柳色青次日計程
宿鳳縣

楊方柎

字汝航號壽山士鑑孫諸生官姚州吏目

碧雲庵晚歸

疎柳寒烟一帶斜，緣溪緩步踏平沙。
荻蘆聲裏酣鷗夢，風露香中養稻花。
橫笛倚歌漁父棹，篝燈課織野人家。
回看紫府雲深處，不辨來時路幾叉。

周思纁

先從伯字璣璵，一字磯雨號牧亭。諸生有牧亭

詩稿

家傳性聰穎，書過目不忘。善書法，年逾八旬猶能燈下作小楷。

寄懷楊汝航表兄

憶昔壬子春，捧檄雲南去。垂老仗一官，等閒萬里路。
折柳送君行，十步九回顧。故園松菊存，遂初及早賦。
東流水不返，西馳日如鶩。忽忽十四載，人事多乖忤。
親朋半卽墨，詩乘

卷十一

三

凋零骨肉傷，邱墓俯首念。遠人情懷誰，與訴去冬令。
嗣歸嶄然頭，角露急尋君。起居精神猶如故，豈不念故鄉。
苦爲薄宦誤，蕭索羞空囊。關河邈難渡，聞言三嘆息。
多君守儒素，君年屆七旬。予亦嗟垂暮，弱草棲輕塵。
何日首重聚，挑燈寄素書。代以下里句，搦管有餘情。
明月下庭樹

夜坐

明月下檐楹，長宵寐不成。愁深多險夢，年老怯秋聲。
破壁吟蟲響，遙天旅雁鳴。病妻睡初覺，絮語問陰晴。

寄聲揮弟

思君常有夢不覺意淒然作客三千里離家六七年弟兄皆白髮骨肉痛黃泉決定歸期未休教望眼穿

無影山

城南二三里風景絕人寰爲愛青山好肯教白日閒杏花開屋角沙鳥立溪灣不覺天將暮牧童叱犢還

贈黃東里先生

誰向烟蘿問姓名蕭蕭白髮老狂生疎慵重見嵇中散痛哭何妨阮步兵碧水丹山雙蠟屐寒窗破壁一燈檠故人酬唱多詩句把酒臨風細品評

菖蒲館爲絜綱弟賦

卽墨詩乘

卷十一

三

移斲靈根此地栽清芬何處著塵埃蒼烟晚浦月初上白石淺灘雨乍來新綠平分麥葉放淡紅斜襯藕花開芒鞋異日尋君去好挹幽香浮酒杯

贈楊鈞石先生

陽關西去幾回春話別從容酒入脣萬里星霜歸客夢半窗風雨老年人詩裁白社偏添興韭剪青蛙不厭貧莫道維摩多有病揮毫儼是米顛身

行年六十

荏苒年光水注東滿頭華髮短蓬蓬老來涉世猶多拙病後題詩總未工聊借棋枰消日永還憑樽酒慰途窮

欲知學道今何似得失無關塞上翁

諸兄弟小集

夜深誰與話連牀詩酒相親老雁行半榻琴書燈火靜
一窗風雨聲鹽香長貧每鄙因人熱垂暮漸能與世忘
坐久不嫌歸去晚滿天月色正如霜

秋雨

重雲黯淡漏聲遙欹枕寒侵夜寂寥晨竈無烟秋不管
滿城風雨自瀟瀟

周思緘

先從伯字詡軒諸生有詡軒詩草

先族叔宮玉
思琬松壑集

卽墨詩乘

卷十一

三

兄豪邁不羈酷嗜吟咏貧
苦日甚未嘗一問生計

無影山

天晴出郊郭迤遇到前山兩屐不須著孤峯容易攀斷
雲堆石壁老柳臥溪灣忽有炊烟起隔林屋數間

周思祺

先從伯字文棻諸生

家傳公性敦厚篤於手足
與人交推誠相與有過必

婉辭論之叔父北阜公宰闕
中公主筭算始終囊無私蓄

喜晤黃東里先生

幾度思君不見君何期今日慰停雲孤鴻影外人初至
落葉聲中酒半醺白首風塵多潦倒青春詩句總芳芬

不堪啼鳥催歸去相送柴門日欲曛

張永光

字耀三太學生

張鶴巖士倫傳公性孝友居親喪過哀獲日疾兄疾衣不解帶

居家儉約人有緩急則傾囊無吝色里有爭訟者公一言悉帖然服

咏懷


年與知非近遲眠學苦辛愁多生白髮志短負青春潭

影秋光淨人心夜氣真此中有佳趣說向葛天民

郎墨詩乘

卷十一

書



浪淘

字耀三太學生

對策

卽墨詩乘

卷十二

張鶴

榜名鈴字嘯廬一字肖素又字蘇泉號陽扶乾

隆庚寅舉人分發福建知縣

張南崧鵬展山左詩續鈔李少鶴憲

喬曰陽扶才高氣卓俯視一切然於所心折未嘗不抑然善下自謂周林汲黃靜軒兩先生外

不當在弟子之列中年一涉仕路遽謝病歸友教四方終其身未嘗一問生計蓋古狂嘯之流

也客死河南詩文散佚惜哉舉以田曰嘯廬先生曠代逸才凌轢無上其詩往在為阮亭秋谷

所未有解綉芳恕詩序陽扶無他好雅癖書及古帖名畫不惜數百金購之

詠懷

卽墨詩乘

卷十二

一

茫茫大海水元精融古今地水孰居廣裨瀛何處深山頭有蜃壳宛然跡可尋豈當開闢初神州尚浮沈此意誰與析蒼茫愁我心子春在蓬島沈思鼓瑤琴

四千一年中生人如雨點雨落不上天奄忽黃塵掩中有數點奇力與雲雷撼復上為列星彪如吐光焰豈非天所挺夫亦精誠感厥蹟在詩書風簷時披覽修竹鬱

蕭蕭古心一掬擘

黃鵠一高舉天地呈圓方蝴蝶指相笑吾惟捨榆枋志

識豈不遠所事各有行吾愛任公子巨竿投東洋期年

得大魚離腊千人嘗當其未得時咸笑不自量勿為蜩

鳩笑當爲黃鵠翔黃鵠逸雲中蕭然看二蟲

靜樹多悲風春暉去短草居世亦何爲立身苦不早中
夜不能寐念昔心如擣空堂閒無人擘衣庭前繞仰天
觀衆星耿耿欲小明月照南飛啾啾啼鳥鳥啼聲動
人心淚下沾懷抱恨無雙飛翼及爾同集蓼

孤鶴海上來長鳴何所投不爭雞鶩食時從鳳凰遊竹
實閒相貽願言資好修千里懷好音鳴和二十秋鳳凰
飛上天孤鶴遊南土耿耿志報恩區區夫何補復能飯
王孫不必酬漂母

英英耐冬花鬱鬱藏根菜結根墨水旁野處交相愛花

卽墨詩乘

卷十二

二

思揚光輝移植近嵩岱古香奇葩親冷豔凡卉怪以此
知者希轉蓬甚矣憊霜雪雖無摧日月已逾邁歸來語
藏根羨爾游物外

積雪凝南山大勞如僧定高寒寧不知介如自其性山
有二神人肌膚爭雪瑩娟娟綽約姿猿鶴顧生敬一從
遠別離愧無羅襦贈翠袖不勝薄空谷悄然暝

芳草有遠香嘉果含深美北方有佳人投我一木李嘗
之苦裂唇食之嫌澀齒終日不成歡三月悟其旨悟旨
久沈吟初終豈兩心

炎風瘁大林茂樹忽已槁豈以條枚勁摧折偏獨早人

生如電馳嘉會常苦少相見無幾時雨雪詎能保昔日
園中花今日墳上草花草不相知悠悠天地老

夔疾虻所爲同是地上蟲不聞龍升天下與虺蜴爭嗟
哉蝸之角二國互興戎炎炎不知哉焚和甘自傾器敵
或則校道齊或則矜士能植高原鄰田奚暇耕

爐內雪味融鏡中花香細云何能攝心禽之制在氣四

語受夢中道人傳火記余弱冠時夢適海鳥島有茅菴
三楹顏曰嘯麻一道士東向坐

明以丹道於案底取石瓦
示之瓦鐫二十字云云孔穴畧能明作料不可致大

藥竟渺茫蹉跎日月逝靈芝秀煌煌嗟余嘗有志

神山心之東縣圃心之西我心化絳雲卷舒將何之少

卽墨詩乘

卷十二

三

日夢游仙九霄駕龍螭揭柄攀北斗翕舌捫南箕仙乎
不予卑遠遊或可期在地有驥走在天鵬則飛人生天
地閒結束亦何爲五嶽題名徧二勞杖策歸

寶鼎出田閒土花碧且丹三足壓鼉屬蟠螭兩耳穿左
耳神者翕右耳妙之門質鉅齊汾水文古疑焦山田父
豈能識屈以佐饗殮藜藿腹內充其外荆棘燔燔久古
光發鬱鬱起青烟淡宕河漢繞輝映雲日鮮烟中結龍
文之而作九天首謝田父謝爾急相煎

九水紀遊

九水發源勞山玉龍口水黛色百尺見底澗道

一髮隨山九折每折則兩岸巖岫必蓄奇氣甲
午五月四日余適紫霞山莊訪楊西溟兄弟五
日同遊至七水小憩何氏園日未西而返不惟
遊事惡率抑以名山蘊奧不欲一朝盡之也

大壑東南來隨山爲九折澗道匹練通匉匉泉聲咽遙
睇憚幽邃深造嫌研悅一水始窠落遂逾神仙窟迴看
西南峰密筍橫天菑初謂美在前妙相乃側出我生有
良晤先期每相失二水橫石牀三面爲水齧其南覆懸
崖巨靈斧之裂此竅鑿何年混沌氣應洩涼風生奧窔
五月寒侵骨是有龍蛇氣神鬼或出沒自非抱雄襟對
卽墨詩乘

卷十二

四

茲翻股栗東探垂裳巖五色章袞黻龍火耀澄潭三水
榮光發穆穆位古皇鏡中儼對越又東指天梯兩峰束
如闔左闔旋螺紋其右蜂房豁入闔日正中天光動石
室四水豈凡境山史何無述

前人記九水
於四水獨略

顯晦各有時

幽光久始達南東尋五水探奇接再厲五水不自奇眾
峰遙拱列如彼古疇人局外用俊傑第能策羣才何必
樹功仗山色若畱人欲去還復歇從此造平淡精華意
或竭猿引又敷武僕夫忽吐舌奇鬼闕雲中猛獸仰天
未怪峰若飛來盪我雙瞳濶六水氣崢嶸地靈竦處結
落脈連七水餘勇猶吻岫提前五水論神采倍雄烈山

川蘊奇賞或爲我輩設奧區神物守一朝勿盡挾遙拱
先古洞洞在九水遲我於九月

釣鼇行寄張十一

昔與平原家弟汝安有勞山之約忽忽且十年
矣汝安一官落拓余亦飢走四方今年九月道
過大梁將邀之東則汝安又復他適因賦長歌

寄之

世味如酒薄鄉思與秋深不如歸去看海色釣鼇不其
山之岑夷門霜落西風急孤館張燈焰蕭森河聲浩浩
流杯底英雄千古中銷沈人生幾時須行樂矧余貧病
卽墨詩乘

卷十二

五

交相侵貧亦得天之清氣病不干人之妙心李杜文章
豈兒似詩成吾自攄胸襟三神山上落鸞歎九點烟中
聞龍吟將進酒且放歌少壯幾時奈老何當時志乘穆
滿駿於今思揮魯陽戈翰也習知葺味美胡爲鬱鬱久
居此鶴鶴高飛心在原孤鶴遙睇唳不已吾聞海上安
期攜有如瓜棗與汝食之可以飽秦人遺有如螺舟與
汝放之可以游日出咸池紅霞發與汝沐兮霞纏髮

秋日不其山觀海懷魯仲連

一粟著空綠飄然浮我心西風吹萬里秋氣此何深寂
寞覘龍睡宵冥聞鳥音不知天下士何處可追尋

土花

天地餘古色土花分獨偏
雨聲涼到骨生氣暈何年菌
想蒸巖妙萍隣住水鮮泥塗
豈終辱寶鼎鬱蒼然

山中寄周林汲先生

洞天石扇夢迴處流水桃花春
曉時獨立蒼茫思太古
此情祇有汝南知

立秋日出穆陵關

頻年爲客不知愁節序驚心搔
白頭一夜梧桐何處落
穆陵關外是新秋

晚次黃河厓聞角聲

卽墨詩乘

卷十二

六

西原日落戍旗黃暮色人烟兩渺茫
誰倚秋風吹畫角
黃河厓上月如霜

黃如玖

字子九號梅南立世子諸生有芥圃詩草

芥圃

心遠地偏是也非芸窗情事最依依
烹茶烟嫋新栽竹
抱甕畦開舊息機姑水西來流晚照
勞山東望靜朝暉
蕭然斗室誰來往半是漁樵半布衣

題畫

平橋一帶水潺湲遠樹千重渺靄閒
我欲登樓攜美酒

夕陽多處看青山

黃如瑀

字禹執號練江立世子嘉慶戊午舉人官黃縣

教諭有敦雅堂集

初文肅彭齡傳練江通方才其治黃也飭校規寬濫者滌

之卽守令無所細紀文達的序篇寡字嚴歸於自得

鬻女歎

有田不生苗經年無食著十指日繁擾立空千金橐哀
鳴向行人誰念此羣弱長者十二年行將守盟約少者
方數齡晨昏待哺嚼誰非父母心一朝竟拋卻可憐覓
生機因之換升龠升龠復何益愈於填溝壑女聞再三

卽墨詩乘

卷十二

七

歎傷哉淚如潑牽裾不肯行行恐遭人虐縱不遭人虐
神魂爲驚縛全家更安歸流離風中雀含笑歸主人死
生永相託我亦苦貧士負米涉伊洛愴極發長歌萍踪
幾時泊

與李端甫守歲京邸端甫越日卽歸並贈其行

別君亦有詩別歲亦有酒詩酒樂已多斯遇寧不厚勿
爭物之先爭先處其後

飛鳥

飛鳥戀故巢乃在高樹枝爲巢良獨難辛苦那敢辭廉
纖綴夜雨瞳矐戴朝曦雨來鳥不知日來鳥亦嬉春深

日遲遲居高身自危

康對山

君不見抑塞磊落之士多精忠不問人阨兼天窮今日
東風明日雨昊天豈不知空同對山爲國非爲友報恩
報怨兩何有况當天子誅劉闔笑彈琵琶醉十斗襄陽
多病疎故人未必故人獨相負

紀李振聲廉訪守太平事

擒七人

嘉慶元年勦蜀匪公獨任太平守擒僞應募王國臣七人

築城濬池募健兒懷德騰蛟千熊羆

倚鄉勇馬懷德唐騰蛟等勦賊一

時應者惟恐遲敢死之士死不辭國臣七人來更奇質

卽墨詩乘

卷十二

八

妻繫子欲何爲崔令

南部令崔特峰

力言無容疑捐家殺賊今

所希明日七人坐皆斬乃知七人真奇險娘娘廟前秋

草衰可憐白骨無人埋

憲雷公部別成娘娘廟戕於賊

老林下

生得渠魁徐添富處

一戰殺青一再戰殺良佐儒會早授首巢穴都已破添

富夜上安子坪欲從萬死求餘生那知就擒老林下有

義富才之衆無生者

傳青一蕭良佐何儒會卿有義黃富才皆賊目

風颯颯月

茫茫太息元卿與國璜嗚呼太息元卿與國璜

添富前戕總戎

何元卿
袁國璜

守太平

疑兵卻高家寨南津觀通天觀賊數萬

東南諸峰壓城角賊來俯窺多不覺峰頂突上萬餘人
斗大孤城困守捉城中朝炊烟未斷家家兒女倚門看
城頭兵勇都不亂無乃守者有神算北山遙望旌旗多
勢如風雨往來過千騎萬騎那能數疊嶂層巒擁瑀戈
顧盼躊躇有深懼一吼掉頭紛紛去官衙跌坐日當午
老僕從容報晚鼓

破三寨

高家寨高高無比南津通天爲唇齒唇齒之勢急難下
懷德騰蛟那能俟火龍噴筒只一舉烈燄奔騰上平楚
三寨延燒初成灰陣陣腥風血墮雨焚餘奔竄如摧槁
卽墨詩乘

卷十二

九

金竹山

躡蹤追捕無昏曉夜半酣戰金竹山又向青天捉飛鳥
金竹山下雪金竹山上風妖鳥全離網弋者猶張弓風
催日出雪欲融纔知血流雪都紅人言紅雪多在脣若
無紅雪愁殺人

茨芭門

公駐兵處恒將
單日以細柳

風吹笳角聲嗚嗚健兒三千膽氣擗茨芭門外杜衝衢
仰視飛鳥不敢逾大纛摩空持兵符帶甲行將過此都
將軍到此慘不舒欲前復卻驚前驅示以令箭計亦迂
攪轡凹顧空躊躇太平令下日已晡始信將軍真不誣

將軍纔得步亦趨不然請試戈與及君不見青石溪邊
血模糊紫陽之賊盡伏誅公瘞映紫陽
匪於青石溪

拒寡婦

一隊女戎來翩翩長矛繡履大錦韉齊二寡婦妍中妍
明珠翠羽垂花鈿到處焚掠能爭先羣醜之中誰比肩

添德三槐

賊目徐添
德王三槐

膝行前仰戴寡婦如戴天手提悍

賊六七千逼近城南南山巔初來縱火火不然須臾立

盡空雲烟平明直逼到城邊吼死啼猿與啼鴉彼吼我

吼聲乍住

賊三吼公知其
術厭令亦吼

連斃騎賊賊悚懼奔向西河

日薄暮擊楫崩騰皆爭渡那知全隨波中去

預誘以楫
艘覆載於

卽墨詩乘

卷十二

十

水望斷茶園好烟樹寡婦躍馬心頓悟寥落幾人伴孤

鷺始信太平有奇謀佛寺一夜淚未休了頭溝下堪藏

羞寡婦跳茶園佛寺
旋入陝死了頭溝

可恨會烹王嘉猷

嘉猷以州
牧死事

都中晤李桂浦

余與桂浦別久矣桂浦在蜀十餘年教匪不靖

佐其尊甫振聲先生勦賊前後得詩六卷今除

水曹一見輒出以示余余惟桂浦自庚子後卽

喜爲詩卽喜從先君子說杜詩因成數篇著其

詩之原本並繫今昔之感云

不是十年別那知一見難兵戈從蜀道辛苦到長安詩

自箇中味事於局外看春風今在眼記得舊時寒
入陣秋風裏三巴夜月中烽烟迷竹樹殺氣滿刀弓拔
劍先邏卒持籌佐上公宗臣遺蹟在爲說永安宮

迂拙成今我銜悲見故人談詩思往日課讀失雙親愁
劇翻增病貧來只此身悼亡君莫訴賤室又重新

白帝城邊雨黃牛峽上秋西川千載事北海一人收磊
落風雲氣蒼茫江漢流此中真得力今日見應劉

東竇小山

只有書堆案稀逢客到門願君勞步履伴我幾朝昏階

下峰千疊牀前月一痕確亭馮確亭時陞今宿草往事與誰

卽墨詩乘 卷十二

論

寄內子東武

西南樓上寄書頻慈母衰年多病身地下椿萱應念我

天涯風雨未歸人飄零兩鬢添新雪憔悴三春依舊貧

若見盧西好兄弟王盧西內子從兄爲言吾道本艱辛

周雲從

族叔祖字人龍嘉慶庚申舉人官定陶縣教諭

有桃李園詩草

畱別王明章

沈摺鐸音經二年慚無驥足著歸鞭雲迷海曲家千里

風冷宮牆酒一筵知我免教遭白眼如君定許選青錢
好音佇望乘鴻便鵬鶚摩空入月天

劉學產

字晉東副貢生

寄懷鄭于陽先生

七十餘年賦遠遊鷓鴣吟罷至今畱愁中獨咏新詩句
夢裏同登舊酒樓月出東山添逸興地鄰北海想名流
可能契濶還相憶風雨雞鳴恨不收

李毓昌

字皋言號榮軒嘉慶戊辰進士分發江蘇知縣

卽墨詩乘

卷十二

五

趙雲崧翼檐曝雜記嘉慶十三年淮揚大水山
陽縣王仲漢冒開飢戶領賑銀入己上司委試
用知縣卽墨李毓昌查賑毓昌新進士以清白
自矢徧往各鄉村查出浮開飢戶無數伸漢懼
許分肥不受旣竣事置酒餞別是夕毓昌暴卒
於公館淮安府知府王穀來驗以文縊報毓昌
叔李泰清以身死不明控都察院具奏
令山東巡撫吉綸提屍柩檢驗的係中毒鞫訊
乃知仲漢賄囑諸長隨乘其主酒渴飲以鴆又
繩繫頸若自縊者上大駭怒以爲從來未
有之奇諸長隨皆凌遲處死內手灌鴆之李祥
解至毓昌墳上剖心以祭其主王仲漢斬決梟
示王穀以得賊亦斬決加贈李毓昌官知府其
繼子欽賜舉人又
十韻以旌異之 頌詔天
下各地方官諒無不警惕矣

寄鄭于陽先生

一片華樓月今宵何處看遙知滄海客高臥碧雲端酒

薄難成醉衾孤乍覺寒不如早歸去從乞釣魚竿

黃 範

字德輿燾世孫廩貢生

贈別沈度昭

敢作雲龍半歲依一時邂逅忽相違青絲頻醉湖邊月
烏榜同畱江上磯淮北淮南音欲斷秋風秋雨夢思歸
沈郎可有傷情地不道吟詩減帶圍

黃 桓

字牧先濟世孫歲貢生

黃氏家傳公少孤事繼母以孝聞性伉直視躬

接物與物無競梓里尊服

卽墨詩乘

卷十二

三

晚宿山莊

山行度幾里曲折馬蹄輕野水寒猶咽幽禽棲不驚村
虛夜樹隱徑僻晚星明會得龐公意可知嬾入城

江 吟

字銘巒諸生有漁村詩草

侵晨

侵晨坐小閣爽氣與之俱憑几惟書史臨窗得畫圖欵
雲猶帶雨積水欲成湖詩境翻秋葉空階興不孤

黃 巖

字儀廊玉衡子歲貢生

王建五應中傳公十四歲卽侍父疾代庖家政

能得
歡心

海棠

化工已現太真妝何事譏彈到海棠不識昌州奇品在
游人只說恨無香

黃佐

字義六號坤原如鈞姪 恩貢生

丙寅春仲讌集秋水居

一區精舍近城阿二月鶯花載酒過飄渺烟光隨杖屨
蜿蜒春色上藤蘿門開綠野和風起巷入烏衣芳草多
但願西堂常壽考年年白髮醉顏酡

卽墨詩乘

卷十二

古

楊方李

字少膺號郁林中準子諸生

送人從軍

霜侵老屋月侵牀手撥寒灰夜未央仗劍起看齊宋分
將星今有幾分光

周思綽

先伯字聲揮號西園諸生有豫遊草

秋夜旅思

三年爲客久畱滯洛陽城歸夢青山隔新愁白髮生夜
深香度篆窗暗燭消繁草露空階上那堪蟋蟀鳴

周思綵

先從伯字繪五諸生

家傳公少孤貧舌耕養母
曲得歡心學問敏博十言

就立

郊望

新涼疎雨過流水響潺湲秋色橫前渡夕陽下遠山天
隨平野盡心共白雲閒徙倚孤村外長吟帶月還

周保滋

族伯字善長諸生

章邱道中

慶元村北夕陽斜策蹇經過幾酒家一幘秋光橫脫出

卽墨詩乘

卷十二

五

輕紅淡抹小藍花

周保善

族伯字元暉號東樵諸生有東樵詩稿

擬古

夕日不可揮殘陽下山脚翳翳桑榆景餘光薰林薄樵
牧瞻村墟巢樹歸鳥雀時晦羣動息靈蠢各有託如何
暮烟中哀音鳴孤鶴嗷嗷念舊侶羽毛摧零落恥爭雞
鷺食冥飛遠矰繳明月照隻影憐渠翔寥廓

除夕

幾年無好况明發入新春老得開愁眼生須脫病身椒

鷓鴣作主蝸舍獨歸人更不呼如願區區豈諱貧

再寓鶴陽

昔別鶴陽歸天寒孤鶴飛五年回首處一夢故人稀
海月新移榻山花舊拂衣殷勤春社燕莫似世情違

村居

熟識村農樸攜家久寓居比鄰分飼犬隔里借騎驢
情洽寒暄外信孚歌哭餘薄田營得否老此把犁鋤

哭弟墓

抔土荒墳淚未乾薄陳魚菽小春寒經時死別遺孤貌
遲暮窮途弔影單多病似兄生不易長眠憶弟夢猶難

卽墨詩乘

卷十二

去

無人為擬招魂賦風雪歸來獨浩歎

周思璇

先族叔字宮玉號松壑諸生有松壑詩集

楊玉田方

梨謀辭序公少有至性沈潛篤實不知有機械
事親歿廬墓三年哀毀骨立邑侯宋公表其門

林蓮峰挺岳序松壑孝友根於天性忠誠發

於至性其詩卽本諸性情而出以真率黃繪

先采序松壑重名義尚節概不苟為依附比賦

興一一披肝膽而出肺腑闐然入古人之室

放言

天生品物動躍飛翔何貴何賤難以推詳為人為物不
足揣量與人而奴寧蟻而王

山行

泉流洗山骨鏗鏗響寒玉半嶺聽松風灑然清心目不
逢採樵人時聞語空谷遙見暝烟生欲向前村宿

與友人夜坐街西樹下

深巷西風起返照衡門冷故人何處來相對意彌永邀
君林下坐話久星河靜葉聲下寒柯棲鳥驚欲醒長街
不逢人歸踏明月影

赴濟南別內

征夫懷遠路中宵不遑寧羣雞正亂唱起視星河明預
恐幼女知牽衣作啼聲荆妻潛身起敲火煮湯羹爲我
束蓑笠大雨方時行爲我裹餽糧路傍物價贏勸我須
卽墨詩乘

卷十二

七

紀事

載道多流亡攜家去井里禦冬尙無衣出門驚妻子怛
然割心肝淚下不能已骨肉遠分離行行且復止夫擔
小兒走回首輒酸鼻阿婦行不前踟躕林下死前途關
人言倉皇復回視回視無奈何疾走看行李行李已無
存兒啼伏草裹寸心如火煎生復何爲爾抱兒投水中
悲風野外起一家暫時滅聽者俱掩耳嗚呼歲凶荒傷

心乃至此忍看阻飢人他鄉覓生理

見埽草子者惻然有作

水旱妨三農何以殖嘉穀孟冬已無食嗟嗟民生促曠
原北風寒草子鳥爭啄天不絕人命一埽可盈掬肥體
固非望枵腸聊充足哀哀誰家婦數日無半粥抱兒荒
野閒持帚淚菽菽兒飢向母啼雙手牽敝服回頭強語
兒勸兒莫頻哭待余滿筐歸作餅果兒腹路上逢流亡
相攜去邦族有田不得耕有廬不得宿不知富貴人誰
實司民牧阡危曾不聞終歲厭梁肉方謂大有秋催租
勤鞭扑

卽墨詩乘

卷十二

六

卽事

海上多清風六月不知暑曉霧化爲雲送作林邊雨蕭
灑書館中開窗對農圃時見山原人斜陽荷鋤語

歲晏行

歲云暮矣胸懷索四野荒寒雲凍壑庭宇無人獨坐時
紙窗清冷簷冰蒸有酒盈樽且莫乾世事反覆如波瀾
回思十年肝肺熱親知誰復家室完忽看西北元陰結
疎林嚴栗枯枝折高歌一曲慘不悅日暮風寒天欲雪

布衫

布衫幅幅傷我心欲語不語涕霑襟我生此衣難再有

縷縷出自先人手念昔吾家只長貧母兮竟歲茹艱辛
我時嘔嘔初學語往往終朝火不舉年來僅免飢寒嬰
何意體忽失和平病中常伴家人績數日未能成一尺
織成布欲爲我衣衣未及衣親先歸珍重此衣不忍著
幾回淚向風前落

大雪歌

城中十日雪未晴城外至今絕人行北風驅雲氣慘慘
夜來雞犬靜無聲此時何處動高譙庭前積雪供清玩
美人玉立藐姑仙綽約冰肌生顧盼空階氣寒映玉山
獅子欲搏睛不轉藉問戲者誰云是僮僕爲嗚呼豈知
卽壘詩乘

卷十二

九

市上柴貴貧民饑十家九家烟火稀行人可憐死路歧
腹中無食體無衣
讀平原君列傳有感

平原君斬美人門下士氣一朝伸余謂一笑不至此殺
之母乃傷其仁平原門下鷺如市平日居然稱得士食
客當時號數千中惟毛遂一人耳豈惟餘子無可收彼
十九人亦庸流其去其來焉足數惜哉枉斬美人頭

土偶歌

土偶尊崇誰似汝望之儼然被袞黼宮殿巍峩金碧光
堦前觀者立如堵大巫登進小巫隨鄉愚奔走各偃僕

笙簧酒醴迎神來爲神清歌爲神舞儼若羣靈質在宥
香烟靄靄滿庭宇人之奉神豈不工云胡熟視竟無睹
人呼亦不聞人問亦不語一似人所爲於彼原無與有
客見此心不平謂神毋乃太龔瞽旣不暇爲人決是非
又不能爲人解愁苦枉道能司禍福權但見泥塊坐堂
廡嗟爾有神殊不靈毋徒尸位擁圭組我聞此語不謂
然請君少安且無怒世閒如此豈云殊試一思之竟孰
愈土偶罔聞知僅於事無補問心差可安未嘗耗廩糈
君看太倉米粟多土偶何曾食一脯

冬夜誌感

卽墨詩乘

卷十二

三

未覺文章進惟餘歲月增雙親漸白髮一卷尙青燈喬
木冬聲急空齋夜氣凝寒窗十年內碌碌竟何能

山家

行到碧巖裏茅茨三兩家通身溼嵐氣滿地散松花牆
缺開雲補蘿陰曲徑遮茶烟竹外起化作半山霞

吾心

吾心何太狹世事不能平縱有孤樽在其如百感生寒
風號古木斜日下高城冉冉歲將暮長歌空復情

觀海

到此忽遐想蒼茫終古流厓前無路往海外有天浮遺

世思乘軻忘機欲狎鷗風濤幾萬里指日問瀛洲
過盧溝橋

從此達 天衢山河繪壯圖孤城扼要路萬國拱 神
都有志懷題柱無才敢棄繻 上林春漸滿黃鳥已相
呼

郊望

郭外無人影寒郊靜日暉秋高黃葉脫野曠白雲飛閱
世懷因淡逢時志與違徘徊無所適吾道竟全非

登城感懷

萬里北風城上急蕭森獨倚女牆看秋高大地浮雲合

卽墨詩乘

卷十二

三

雁度長空落照寒一水於今直西去

康熙二十四年淮
沙河決而西流

二勞終古自東蟠眼中半是荒涼色人事還同野景殘

山村春望

脈脈溪流露淺沙山村入望似朝霞荒陂帶雨將生綠
病樹逢春亦著花一事不知惟野叟四時最樂是田家
而今未遂耕耘志空向郊原玩物華

周琬授

族叔字授珍諸生

晚春雨後

嬾娜東風拂柳條輕雲淡映夕陽飄嶺頭細雨滋新碧

著意尋春過板橋

黃守恪

字商民號虛齋植子

恩貢生

黃氏家乘守恪目重障性

沈潛不知有機械事年八十餘手不釋卷

夜行至一村

彷彿蓬門立橋西俯渡頭雪飛人面改風勁馬蹄留軟屋低枯樹寒溪響細流不知田舍酒今夕幾家籩

黃守緒

字叔統號冬芸壩六世孫嘉慶甲子舉人

和友人見懷

卽墨詩乘

卷十二

三

尋勝明湖坐近蓮何人醉愛月娟娟流鶯此日消魂劇飛上垂楊說上年

周鍾溟

族兄字圖南歲貢生

題畫

短棹籠烟繫古槐黃雲如陣菜花開小童拍手斜陽裏遙指阿翁換酒來

周翁鏞

先從兄字輝浦

恩貢生

家傳穎悟好學推善引誘後進

郊遊

獨坐無聊賴愁多上客顏出門尋野逕豁眼見春山樵
唱斜陽裏河流亂石閒奚囊無好句滿貯白雲還

東友人

紅螯入市豔於霞春釀上籜不用賒課罷生徒須過我
東風開遍一庭花

周翁鉦

先從兄字鼎華諸生

秋日懷家詎軒叔

曲逕滿青莎無人到薜蘿問奇空有夢對酒嬾成歌露
冷蛩吟急林疎月影多如何秋漸晚朔雁未來過

卽墨詩乘

卷十二

三

周翁鉦

先從兄字單止號曉林諸生

家傳家素貧每讀書至宵分不輟邑

侯裴聞而賞識資以膏火中年喪偶不娶以視耕自給未嘗干人

郊遊

偶著芒鞋郭外行清流風起穀紋生柳陰深處團團坐
聒耳山禽不識名

周翁鈴

先從兄字鳴鸞號松軒乾隆乙卯舉人分發江

蘇知縣

梨花

玉蕊瓊枝照眼明無邊皓素望瑩瑩相逢都是尋春客
卻笑今朝冒雪行

張文潤

字鴻猷號澤普永光子諸生有陶情集

張氏家傳公事

父母事繼母曲得歡心從兄弟之貧者分田宅與之尤喜排解閭里忿爭不數言輒服

歐陽

約齋大勲序其詞敦篤其情樸茂

芑紫澗道中

昨日看青山青山似未醒今日知我歸山光現幽景雲
容向空飛泉聲漱石冷杖藜竹樹閒欽巖羊腸嶺古道
誰相送溶溶殘月影

卽墨詩乘

卷十二

十四

曉發

喔喔聽雞唱匆匆逐曉塵清風寒徹骨斜月冷看人翹
首鄉關杳頻行客路辛相逢休顧問欲語倍傷神

遊山寺

偶懷清淨境寶刹任遨遊古木搖疎影蒼巖瀉碧流霞
明孤鶴背雲白老僧頭不覺斜陽晚鐘聲出翠樓

閨怨

獨起吹銀燈燈花隨淚落此情誰曾見試問窗前月

秋雨

溪居自不惹塵埃滿耳風聲送雨來底事浮萍新漲後

柴門斜向夕陽開

慧炬院

竹雨松風新煮茶
青山門外夕陽斜
老僧終日渾無事
閒到峰頭看落霞

胡延綬

字紫封諸生有草樓詩稿

懷膠東表兄

回首膠東隔一方
伊人宛在道途長
等閒不敢登樓望
觸目兼葭意自傷

胡延紳

卽墨詩乘

卷十二

三

字搢與歲貢生官清平縣訓導

寓館感賦

家園喜賦菊花風滿座
親朋酒正紅筆策一聲吹夢破
覺來身在大遼東

黃椿

字萬六如瑄子歲貢生

寄心石弟

何時能覲面話舊到城邊
欲語情難盡相悲淚已先長
君纔六歲病我竟三年
迴首思當日青春是枉然

林元桂

字丹圃號秋芳廩貢生官兗州府訓導

補天餘塊爲黃公持賦

當日媧皇曾補天未用餘塊畱人間雲泥已判無定所
幽遐沈埋幾經年江夏士人最好古風流更不讓叔度
得此摩挲兩相歡擬續石譜向石語

公持先浦江公
有秋水居石譜我

聞爾石質本綠風烟滉漾勞山麓胡乃璀璨五色斑光
怪陸離炫雙日要知神物迥異凡一邱一壑非鐫劖橫
腰宛然天河象凝脂一道拖冰縑兩邊圭稜五岳劈浣
女弄花飄溪潭對之不覺生肅穆長揖下拜爲細參峰
嵐雪霽凝苔紋徑路迴環合而分其中青黑雜藍白又
卽墨詩乘

卷十二

三

似畫中潑烟雲有穴有洞有崖岸閒有微赤明斜曛森
森綠陰背面起芙蓉峭削青天裏橫空闌干羅星宿密
如蜂房大如指君不見石家紅珊瑚君不見隨侯明月
珠一朝假使投洪鑪弱體柔質將無渝乃如此石一尺
強鑪火融盡抱陰陽東坡之手不能持米顛有袖不能
藏草堂紫雪

公持
軒名

且高閣不怕天驚秋雨落

江鏡瀾

字蓉溪淑槩子諸生

村前卽景有感

一隄楊柳一溪烟畫出東風二月天隔岸青山應笑我

鶯花孤負十餘年

楊可侗

字文軒方柗子諸生

落杏花

纔減牆頭色簾前碎錦遮多情新燕子銜得半巢花
百廿里花村飄飄紅亂舞東君爲惜春散作家家雨

黃守和

字心田號藹村桓姪諸生有紫藤居詩草

黃氏家傳

公性穎敏於書無不讀以耽麴蘗廢帖括業見所好書必購錄之著有夢華錄

擬古

卽墨詩乘

卷十二

三

月出過東林皎皎當天路對月難具陳整衣理絃柱中
情託音響涼風滿庭樹曲終月未沈脈脈誰相顧

日西

獨坐日欲西仰視天宇廓流雲輕且淡夕陽明晚閣苑
中木葉疎無風亦自落嘯歌散高虛涼颺益寂寞悠然
淡忘言一杯聊復酌

有感

富貴不忘糟糠死生不忘范張易交易昏成俗此道付
之茫茫漢王求劍鮑子分金古人忠厚不棄遺簪

憶二弟星階

幼時並肩騎竹馬朝夕嬉娛依膝下成童並肩授句讀
同案篝燈聲滿屋而今皤然俱成翁買買別爾海之東
東海問草邊關調欲讀與聽奈遠道昨夢與爾聯牀時
見爾和我北遊詩醒來光景渾不是依稀記得兩三字
秋社征鴻春社燕年年歲歲能無羨好語同飛南歸雲
寄我鄉思與卯君

從軍行

誰是霍嫖姚長征萬里遙風寒旗獵獵日落馬蕭蕭玉
塞人將老雲臺志未銷稔知離別苦不忍射雙雕

歸興懷同遊諸子

卽墨詩乘

卷十二

三

歲暮朔風號深杯漱濁醪涼天催轉律倦客慣揮毫草
意先春動歸心倚月高懸知二三子待我共持螯

懷法硯農

不見故人久時縈魂夢閒出門聊一望飛雪滿羣山泥
濘阻音問相思老客顏眼看春又過寂處酒杯閒

憶硯農

正擬緘書去嘯叨絮別離欵門逢令弟把臂問歸期言
我成衰老君宜念幼兒飄蓬究何益不作故鄉思

憶守廣弟

已在天涯矣仍然天各方客懷正多忤佳節况重陽木

落山容瘦霜霏雁影涼思見應更切曾否陟高岡

登高不果

去年重九節風雨恨曾經今又思浮白相將出要青奉天

人出遊日要青陰雲仍此日冷翠溼空庭誰遣如期到悵然戶

自扇

秋意

新霜一夜至秋意動寒林寄興惟樽酒無人共酌斟起
瞻雙雁影乃在遠山岑欲往愁風雨相思落葉深

盆菊

寄人籬下亦堪傷幾見名花得擅場野老強教拘世法
卽墨詩乘

卷十二

三九

曠懷來此敢疎狂當筵不管秋容淡入幕難矜晚節香
爲問故山猿鶴侶移文可許恕柴桑

松山早行

洪文襄歸順處

松山早起日初升陟嶺登岡感慨增自是天心勤簡在
非關地險渺難憑九重應悔祠余闕百喙何能解李陵
滿目山川今古思揚鞭指點白雲層

哭守寬弟

聯牀舊事竟何如悔向遼天怨索居塞外風霜歸路渺
靈前益奠總惟虛痛君拋骨三千里嗟我頽齡六十餘
雙袖龍鍾時拭淚客囊收汝讀殘書

此地縱能化鶴回荆花已痛一枝摧強年遽逝君何忍
旅艱難旋我不才千里依人空托鉢半生誤汝是銜杯
堪憐死帶窮途恨淪落龍荒土一堆

擬古

永夜長歎聲秋風吹不去相念不相聞那得知君處

兩夜夢歸口號贈內

庭前寂寂欲黃昏燈下雙雛笑語溫我到深閨卿正續
一天風雨未關門

柳枝詞

陌上垂楊又作花人來人去各天涯阿誰得似垂楊色
卽墨詩乘

卷十二

三

一路青青直到家

閨怨

望斷天涯未肯歸故園心事日相違於今元鶴重生翼
何不乘風向北飛

昨夢

昨夢題詩海上峰淋漓墨瀋灑蛟龍醒來記得驚人句

喚起山僧夜打鐘

閨秀

黃氏

諸生王沛洽室侍讀學士鴻中女

上周心雪先生

邯鄲初學步字略識之無隨意短長句渾忘大小巫榮
施元晏筆獎及鄭家奴珍重金鍼度瓣香爲巨儒

周氏

號數米生潮陽縣知縣黃立世室族高叔祖康

熙庚子舉人倬女 勅封孺人

題夫子驅鬼記

賣盡衣裳典盡釵硯田半畝亦蒿萊君家乞米曾傳帖
惹得旁人指點來

年來數被鬼挪揄請得仙人爲一驅驅鬼縱然容易事

卽墨詩乘

卷十二

三

不知君會點金無

宋氏

高苑縣教諭藍中珪室膠州貢生岳女

輓郭冷亭夫人

閨賢落落重西鄰延貫聲同意轉親爲賦哀蟬悲落葉
幾回躑躅最傷神

周氏

歲貢藍仕任室先曾叔祖臨穎縣知縣來馨女

曉月

殘更初罷曉鐘鳴弦影纖纖碧落橫已識薄光無朗照

漸從暗勢見餘明蒼苔寂寞秋蛩急寒浦荒涼宿雁驚
獨有深閨人憶遠紗窗兀坐數歸程

王氏

號嵩海女史處士周忻繼室海陽諸生頤性女
有絳雪亭詩稿

憶妹

日盼歸期又隔年香車望斷海門天不知課女紅窗下
讀到周南第幾篇

流寓

宗維翰

卽墨詩乘

卷十二

三

本姓張字方侯一字東侯又名彭咸字望子諸
生江南人有染香館集

期陳子若不至

交遊憐遠道不謂君徒行從此地秦越別來人死生銜
杯誰共醉潑墨已成名咫尺三秋意空懷歲晚盟

冬夜偕友人讀書

連榻清齋迴篝燈刻漏中成樓頻夜柝林木閒殘鐘短
被同袍意長吟懷古風生年成老大猶自困雕蟲

方外

元

劉志堅

號雲崑子博州人子思容欽齊乘卽墨大勞小勞山華樓山鼎足相聯近世
有劉使臣棄金符遜此山其徒建碧落宮
東通志志堅少事永昌王故有劉使臣之稱入
道居麓山二十年屢著靈
異蛻葬華樓山凌烟崗中

失題

萬路山前一路平都通那得有人行十年華蓋勞峰隱
今日羣仙遊上清

明

釋德清

字澄印號憨山全椒人先七世郡伯祖玉暉堂隨筆憨大師於萬曆開

卽墨詩乘

卷十二

三

自五臺來徧覽東方名山喜墨之勞山太清宮
卓錫焉建海印寺以居從之者如雲未幾爲狂
慧通經書子史尤喜詞賦卽墨縣志德清幼有宿
明宗旨大清官故道院羽流舉地售之清走京
師奏請內廷供奉於是出旃檀佛暨大部藏經
泉之道士耿義蘭告清戍雷州赦後復理曹溪
匡廬卒之日沐浴端坐曰斬斷葛藤矣張肅
麻鈴題憨山詩後方憨山之居太清也緇流競
赴性香獨非之卒以敗性香能詩又自華月心
無識黃冠中如培芝靈岫國
初諸先輩多與倡和集皆不傳

八仙墩

混沌何年鑿神功此地開勢吞滄海盡潮壓萬山迴洞
宇今仍在仙人去不來蓬萊應浪跡塵世重堪哀

卜居海上

卜築幽棲不厭深一庵高結向雲林自知肘後逃形術
誰識天涯避地心澤國烟波寒漠漠石門風雨氣森森
到來何處仙人笛吹落梅花滿翠岑

舟中夢入海印寺聞雁聲驚醒

空水連天一葉舟卽看身世等浮漚雁聲叫破綠生夢
明月蘆花古渡頭

國朝

釋了然

字江南人

與黃北渚居士

卽墨詩乘

卷十二

書

山裏跣趺這十年兩三畦菜任鮮蒿涪翁貽我江瑤柱
不待花香已破禪

釋了然

國朝

題且蘆蘇古幾更

空水裏天一葉舟

舟中夢入海印寺聞雁聲驚醒

空水連天一葉舟

明月蘆花古渡頭

到來何處仙人笛吹落梅花滿翠岑

